

文淵閣

影印

四庫全書

影印

文淵閣四庫全書

第一一六〇冊

北京出版集團公司
北京出版社

本册目次

欽定四庫全書

誠齋集(一)

宋

楊萬里撰
楊長孺編

一

欽定四庫全書

集部
誠齋集卷二

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官中書臣陸湘

謄錄監生臣許溶

欽定四庫全書

集部四

誠齋集

別集類三 宋

提要

欽定四庫全書

誠齋集
提要

臣等謹案誠齋集一百三十二卷宋楊萬里撰萬里有誠齋易傳已著錄此集則嘉定元年其子長儒所編也萬里立朝多大節若乞留張拭力爭呂頤浩等配享及災變應詔諸奏今具載集中丰采猶可想見然其生平乃特以詩擅名有江湖集七卷荆溪集五卷西歸集二卷南海集四卷朝天集六卷江西道院集二卷朝天續集四卷江東集五卷退休集七卷今併在集中方回瀛奎律髓稱其一官一集每集必變一格雖沿江西詩派之末流不免有類唐虞俚之處而才思健拔包孕宏富自為南宋一作手非後來四靈諸派可得而並稱周必大嘗跋其詩曰誠齋大篇短章

七步而成一字不改皆掃千軍倒三峽穿天心出月脇之語至於狀物姿態寫人情意則鋪叙纖悉曲盡其妙筆端有口句中有眼云云是亦細大不捐雅俗並陳之一証也南宋時集傳於今者惟萬里及陸游最富游晚年蘼節為韓侂冑作南園記得除朝官萬里寄詩規之有不應李杜翻鯨海更羨變龍集鳳池句羅大經鶴林玉露嘗記其事以詩品論

欽定四庫全書

誠齋集
提要

萬里不及游之鍛鍊工細以人品論則萬里個乎遠矣其集卷帙重大久無刻板故傳寫往往訛脫考岳珂程史記朝天續集韓信廟詩淮陰未必減文成句麻沙刻本訛文成為宣成則當時已多誤本今核正其可考者凡疑不能明者則姑闕焉乾隆四十六年十二月恭校上

總纂官臣紀昀臣陸錫熊臣孫士毅

欽定四庫全書

誠齋集
提要

三

欽定四庫全書

誠齋集卷一

詩

江湖集

壬午初秋

居士二丘壑深衣折角巾誰曾令予見忽漫寫吾真更
不遊方外於何頓若人呼兒一笑看下筆可能親

欽定四庫全書

誠齋集

和蕭判官東夫韻寄之

湘江曉月照離裾目送車塵至欲晡歸路新詩合千首
幾時乘興更三吾眼邊俗物只添睡別後故人何似臞
尚策爬沙追歷塊未甘直作水中鳬

沿溪唐亭岬臺
永人謂之三吾

木樨二絕句

只道秋花豔未強此花儘更有商量東風染得千紅紫
曾有西風半點香

輕薄西風未辨霜夜掃黃雪作秋光吹殘六出猶餘四

匹似天花更著香

考試湖南漕司南歸值雨

我亦知吾生有涯長將病骨抵風沙天寒短日仍為客
酒煖長亭未是家又苦征夫催去去更甘飛雨過斜斜
舊聞行路令人老便恐霜毛一半加

題湘中館二首

清境故應好新寒殊不勝征衣愁著盡凭檻喜猶能亂
眼船離岸關心山見稜箇中有句在下語更誰曾

欽定四庫全書

誠齋集

江欲浮秋去山能渡水來姬隅蠻語雜欵乃焚聲哀寒

早當緣閨詩成未費才愁邊正無奈歡伯一相開

送施少才赴試南宮

名淵然蜀人
予取題漕試

二首

我豈登名晚今仍作吏卑文能追古作子未要人知取
第真成漫危言良獨奇新知誰不樂所要白頭期

十日九奔命同行半倦游出城愁不早思子悔何由脚
底已衡嶽眼中猶橘洲似嫌疎過子吾過更誰尤

野菊

未與騷人當糗糧
況隨流俗作重陽
政緣在野有幽色
肯為無人減妙香
已晚相逢半山碧
便忙也折一枝黃
花應冷笑東籬族
猶向陶翁覓寵光

衡山值雨

稍喜歸途中
半程猶愁泥潦未
知晴雨來也不憐
行客風過何須作
許聲

至永州城外

戀戀度聞竟
北征槐花喚我試
諸生了知歸近猶
看堦更有愁來即
入城愚水端能動
入夢喻峰何得嬾
相迎只應白髮持
環久見我蒼然笑
未成

寄別何運判德獻移闕憲名侑處州人二首

再歲三移節
千山一據鞍
梅花錦囊古
霜月繡衣寒
民欲刑幾措
公於此豈難
誰令清廟器
未著侍臣冠
薄技工奚取
知音一已多
從公日幾許
去我意如何
夢裏闌山月
吟邊楚水波
門闌萬珠履
更試歲寒柯

視旱憩鏡田店

走檄堪頻捧
嚴程敢少徐
雖晴恐非久
猶熱未全無
憩息翻增倦
馳驅減壯圖
詩成兼利害
失悶得清臞

視旱遇雨

已早何秋雨
無未始水聲
病民豈天意
致此定誰生
湯爪寧須翦
桑羊可緩烹
小儒空自嘆
得到鳳凰城

水西野店皆不著宿夜抵石山虛

不著官人宿
無如野店何
見客幸有此
雖陋更嫌他
頭蟲妨歸夢
鄰雞伴寤歌
此生眠食爾
行路總蹉跎

欽定四庫全書

誠齋集
卷一

明發石山

明發愁仍集
寒雲又作屯
懸知今定雨
正坐夜來暄
便恐未生耳
寧論客斷魂
山深更須入
聞有早梅村

涉小溪宿淡山

徑仄愁斜步
溪深怯正看
破船能不渡
晴色敢辭寒
白退山雲細
青還玉宇寬
險艱明已濟
魂夢未渠安

題龍歸寺壁

題字纔前歲
衝寒又此行
竹能知雨至
窻不隔江清
走

檄還曾了禁人未肯晴息肩更須喜問路可憐生

董主簿正道壁間作水墨老梅一枝宿鵲縮

脛合半眼棲焉

董生名臨脛一作脛

斜枝飽風雪疎花淡水玉一鵲忍清寒居然伴幽獨

普明寺見梅

城中忙失探梅期初見僧窻一兩枝猶喜相看那恨晚
故應更好半開時今冬不雪何關事作伴孤芳却欠伊
月落山空正幽獨慰存無酒寫新詩

欽定四庫全書

誠齋集卷一

五

寄周子充察院二首

鄉者豺當路如今虎在山百年諸老盡一段好風還誰
謂永嘉未入猶慶厯間班心公定可更可押廷班
跡遠公猶記情親勢更疎忽思叅硯席如許據龍豬雲
步知無那文盟肯棄予只哦五個字不愈一行書

自聲音巖泛小舟下高溪

晚日黃猶暖寒江白更清遠山衝岸出釣艇背人行舟
穩何妨小波恬爾許平大魚不相報撥刺得吾驚

臘夜普明寺睡覺二首

旅夢忘為客檐聲忽喚愁親庭差未遠佛屋不勝秋只
磨功名是如今悟解不十年行路飽誰不遣吾休
作臘聊村酒依人只短檠略無更可數聽到雨無聲犬
吠知何若雞寒肯更鳴生來眠不足老去夢難成

臘後二首

待臘驚還過流年惜欲除雨纔三日有雪更一冬無遊
屐妨緣凜寒威戀為爐未須排旅悶猶足助詩娛

欽定四庫全書

誠齋集卷一

六

雲暗虛疑暮江空分外寒如何山雨過便爾岸沙乾奈
此詩愁得懷哉歲事闌梅殘吾更忍不折一枝看

夜坐

欲雪天還暗不風寒自生燈搖無定影火作始然聲又
遣庭闌訊懸知骨肉情履端猶幾日有夢未歸程

東寺詩僧照上人訪予於普明寺贈以詩

故人深住白雲隈欲到何因只寄梅歲晚觀山吾獨立
泥中騎馬子能來轉頭不覺三年別病眼相看一笑開

說似少陵真句法未應言下更空回

題照上人迎翠軒二首

寺外秋山觸眼明寺根秋水洗心清晴嵐暖翠來未了
不用高人倒屣迎

參寥癩可去無還誰踏詩僧最上關欲具江西句中眼
猶須作禮問雲山

得老親家問二首

節裏難為客家中數有書慈親問歸否意緒各何如強

欽定四庫全書

誠齋集
卷一

七

酒那能盡添愁不更除舊來貧未仕父子豈相疎

濟世吾無策迎親仕屢驚

時全州兵執王守方撫定

乾坤裂未補簪

笏達何榮三徑猶須祿羣飛不復情山林早回首詩酒

且平生

立春前一夕二首

春忽明朝是冬將半夜非年華只不住客子未能歸微

霰疎還密寒簷滴又稀慙鬢真恨苦呵筆更成揮

臘盡春還好朝暄暮復寒雨晴終日異衣著一冬難生

萊知無分殘梅不用看本憑書遣睡轉更睡相干

霰

雪花遣霰作前鋒勢頗張皇欲暗空篩瓦巧尋疎處漏
跳階誤到暖邊融寒聲帶雨山難白冷氣侵人火失紅
方訝一冬暄較甚今宵敢歎臥如弓

立春日有懷二首

飄蓬敢恨一年遲客裏春光也自宜白玉青絲那得說

一盃嚙下少陵詩

欽定四庫全書

誠齋集
卷一

八

玉堂著句轉春風諸老從前亦寓忠誰為君王供帖子

丁寧綺語不須工

立春新晴

宿雲送臘曉仍開日動紅光度竹來春到更晴誰不喜

時選剛道老相催山村敢惜身猶遠邊地應憐戰未回

春鳥豈知人意緒新聲只欲勸銜杯

晚立普明寺門時已過立春去除夕三日爾

將歸有數

蕭蕭浙浙荻花風慘慘澹澹雲物容欲雪不雪關得儂
得歸未歸一筓中年華縱留春已換半生作客今何恨
夜來飛霰打僧窻便恐雪真數尺強催科不拙亦安出
吾民漚髓不濡骨邊頭犀渠未晏眠天不雨粟地流錢

除夕前一日歸舟夜泊曲渦市宿治平寺

江寬風緊折綿寒灘多岸少上水船市何曾遠船不近
意已先到燈明邊夜投古寺衝泥入濕薪燒作蟲聲泣
冷窻凍壁更成眠也勝疎蓬仰見天市人歌呼作時節

欽定四庫全書

誠齋集
卷一

九

詩人兩膝高於頰還家兒女問何如明日此懷猶忍說

癸未上元後永州夜飲趙敦禮竹亭聞蛙醉

吟

茅亭夜集俯萬竹初月未光讓高燭主人酒令來無窮
恍然墮我醉鄉中草間蛙聲忽三兩似笑吾人慳酒量
只作蛙聽故自佳何須更作鼓吹想尚憶同登萬石亭
倚欄垂手望寒青只今真到寒青裏吾人不飲竹不喜

過百家渡四絕句

出得城來事事幽涉湘半濟值漁舟也知漁父趁魚急
翻著春衫不裹頭

園花落盡路花開白白紅紅各自媒莫問早行奇絕處
四方八面野香來

柳子祠前春已殘新晴特地却春寒疎籬不與花為護
只為蛛絲作網竿

一晴一雨路乾濕半淡半濃山疊重遠草平中見牛背
新秧疎處有人蹤

欽定四庫全書

誠齋集
卷一

十

武岡李簿回寄問蕭判官東夫

客有來從天一隅相逢喜問子何如橘洲各自分馬首
湘水更曾烹鯉魚心近人遐長作惡離多合少可無書
得知安穩猶差慰敢道韋郎跡也疎

近新守值雨

春雨不大音又不晴只與行人禁送迎小溪綠漲竟何
曾官路黃泥滑不勝今年送迎乃爾苦去年送迎正如
許風嚴火滅未五更暗行十里雞三鳴行路最難仍最

惡平生歷盡今更覺前人失脚後人笑後人失脚那可料

負丞零陵更盡而代者未至家君攜老幼先歸追送出城正值泥雨萬感驟集

吾父先歸吾未可吾母已行猶顧我兒女喜歸未解悲我愁安得似兒癡牆頭人不須羨居者那知行者嘆昨日幸晴今又雨天公管得行人苦吾母病肺生怯寒晚風鳴屋正無端人家養子要作官吾親此行誰使然

欽定四庫全書

誠齋集

送別呂令聖與

名行中
申公家

一門三相千子孫後有公家前諸袁有治國譜無家譜種愛在堂銘在門誰能不徵鬻爵恩民乃不識田畝錢姓名墮在諸公口去去雲霄穩著鞭三年為察無間然公行何得攬吾先取別當愁今更喜定知同醉西湖蓮

聖與不受鬻爵之賞軍興旁郡皆科田畝錢惟零陵獨無聖與之祖文靖公有門銘聖與刻之種愛堂上

和司法張仲良醉中論詩

名材山
東人

二首

醉話醒猶記來詩獨轉新不緣朋好密其奈客居貧無

乃陽秋誤云何胤璞珍瑞令和者寡敢以速為神相過寧嫌數未行先畏辭要寬千里別猶費幾篇詩意得翻難售聲希只自奇此生詩社裏三折或知醫

題唐德明秀才玉立齋

名鑑

坡云無竹令人俗我云俗人正累竹玉立齋前一萬竿能與主人相對寒看竹哦詩筆生力山童怪予遽忘食不但不可一日無斯須無此看何如詩成欲寫且復歇恐竹嫌詩未清絕丁寧一竿不可除竹亦何曾減風月

欽定四庫全書

誠齋集

張仲良久約出郊以詩督之二首

百花亭下花如海子厚宅前溪似油幕下風流法曹掾坐憲猶未作遨頭只道今春不肯晴已晴誰遣不郊行忍違花底提壺語不慮屋頭鳩婦鳴

和仲良催看黃才叔秀才南園牡丹

愁雨留花花已闌作晴猶喜兩朝寒山城春事無多子可緩南園探牡丹

謝唐德明惠笋

高人愛笋如愛玉忍口不餐要添竹云何又遣十輩來
昏花兩眼為渠開販夫束縛向市賣外強中乾美安在
錦紋猶帶落花泥不論燒煮兩皆奇豬肝累人真可作
以笋累公端不惡

別吳教授景衡

名湯州人

道合從人笑情親覺別難得朋何恨晚到老幾相看世
路今逾窄吾徒却自寬此心各相勉不但道加餐

欽定四庫全書

誠齋集卷一

十一

謁張安國

帝苑花濃記並遊萬人回首看遨頭也知旬月應顯面
已逼雲霄又作州別後聞公非故我學林著脚到前脩
登門猶說同年話未覺紅鸞映白鷗

龔令國英約小集感冷暴下歸臥感而賦焉

客裏何煩病春餘不謂寒併來無計奈那得有懷寬憎
藥猶須強耽書更暇看兩親問消息敢道不平安
更卒稀仍散僮奴野自親問吾適無恙遽病此何因初

覺身為客還疑老逼人焚香發深省一笑對殘春

仲良見和再和謝馬四首

未惜詩脾苦端令鬼膽寒吾才三鼓竭君思九江寬作
者今猶古燈前捲又看不辭鬚撚斷只苦句難安

誰謂陳三遠聶張下筆親夫何此意合恐有宿生因我

豈慵開眼年來寡見人更煩彫好句割取楚江春

陳三後山

先生也

健論開仍隘清規高更寒抗章胡未報憂世可能寬收

欽定四庫全書

誠齋集卷一

十四

用今寧晚飛騫尚會看自憐千慮短所願一枝安

仲良抗章

極言時事不報

豈不為寮久茲焉獨愈親卜居如不近同志竟何因山
鳥頻招飲江花解笑人風顛仍雨急枉却一年春

晚寒

莫道今晨熱東風未得欺晚來作惡甚寒似禁烟時約
雨斜還整吹花合且離不應如許峭故故惱吾衰

和仲良病中耽睡

居士何曾病羣兒錯見憐對牀正風雨落紙忽雲烟欲
夏花全退猶寒柳尚眠如何睡鄉裏只是著詩仙

和仲良春晚即事五首

幾許春纔好誰令綠遽深風光曾著眼時序只驚心永
日便甘寢羈懷怯苦吟春歸猶作客晴少更多陰
春在已愁熱夏來還解涼一年又如許萬事更須忙情
薄忘花減心危願歲穰平生只疎嬾何藥療嵇康

欲與東風說休吹墮絮飛吾行正無定魂夢豈忘歸花

欽定四庫全書

誠齋集
卷一

十五

暖能醺眼山濃欲染衣只嫌春已老此景也應稀

貧難聘歡伯病敢跨連錢夢豈花邊到春俄雨裏還一

犁闌五秉百箔候三眠只有書生拙窮年墾紙田

笋政齋前路疏眠雨後畦晴江明處動遠樹看來齊我

語真彫朽君詩妙斷泥殷勤報春去恰恰一鶯啼

題潘彥政叔姪濯纓齋

名師文

愚溪之口湘江左茆齋不小亦不大齋前看江江只流
江中望齋齋更幽兩潘讀書韻清壯湘妃出聽魚吹浪

大潘皎如鶴出林小潘不減在沙金向來姓名到天府
市人莫笑渠塵土濯纓當屬最閒人兩潘且彈冠上塵

和仲良分送柚花沉香三首

薰然真臘水沉片蒸以洞庭春雪花只得掾曹作南董
國香未向俗人誇

鋸沉百疊糝瓊英一日三薰更九蒸却悔香成太清絕

龍涎生妒不犀憎

鶴骨龍筋金玉相詩人什襲幾年藏已驚好手奪天巧

欽定四庫全書

誠齋集
卷一

十六

更遭餘芬惱楚狂

再病書懷呈仲良四首

病身誰伴亦誰憐贏得昏昏幾覺眠睡起不知身是病

踞牀看盡水沉烟

病中嫌雨又嫌晴自是清懷未若平兩日雨多端不惡

市聲洗盡只簷聲

功名銷盡向來心詩酒從今也不禁夜雨遣人歸思動

不知湘水幾篙深

方外詩豪張仲良義風今日更誰雙絕憐病客無青眼
粥飯隨宜到小窻

贈蜀中相士范思齊往全州見萬先之教授

兩脚那解上金鑾兩手只合把釣竿比身管樂兒時態
已翻九河洗我肝范生來自浣花里眼中之人定誰貴
百鍊未必賢繞指貴人正要老於事斜風細雨又春休
落花啼鳥總春愁試問談間立封侯何如百錢挂杖頭

和唐德明問病

一作文德

二首

欽定四庫全書

誠齋集卷一

七

罷却微官且客居庭闈不近信全疎更無竹下子唐子
誰與過逢說異書

俟命循天更不疑朶頭那可換靈龜逍遙豈在榆枋外
問著扶搖總不知

又和梅雨

管得天公雨更晴何關客子病心情得歸此意良不惡
且住微軀也自輕

又和見喜病間

初病楊花猶亂飛即今梅子已黃稀臥驚節物已如許
起得沉痾更解肥雲寺耶溪招布襪斜風細雨欠蓑衣
半生不結脩門夢只夢家山喚早歸

罷丞零陵忽病傷寒謁醫兩旬如負擔者曰

遠日重改謁唐醫公亮九日而無病矣謝以

長句

料病如料敵用藥如中的淮陰百戰有百勝由基百發
無一失老唐脈法明更高閱人二豎可得逃探囊起死

欽定四庫全書

誠齋集卷一

六

無德色掉臂不為曳裾客但使鄉鄰少臥疴眼底名醫
麻竹多嗟予詩瘦仍多病兩旬進尺退不寸逢君已晚
亦未恨埽除何曾費餘刃長句藉手聊爾爾真成不直
一杯水

題黃才叔看山亭

春山華潤秋山瘦雨山黯黯晴山秀湖湘山色天下稀
零陵仍復白其肩作音亭不為俗人好個竹把茅吾事
了朝來看山佳有餘為渠更盡一編書

送張倅

山西勁氣何曾歇秦漢迄今幾奇傑張公長身鬚鬢蒼
斜飛不入鵷鷺行狂卒叫譴民震擾不勞談笑斯頌了
皇上方披輿地圖煩公赤手繫單于捕逐虎豹公則老
坐運籌策公尚少

題所寓唐德明書齋

鳬鷺行中脫病身竹林深處得幽人只言官滿無餘事
也被詩愁攪一春

欽定四庫全書

詞齋集
卷一

九

白含笑

薰風曉破碧蓮含花意猶低白玉顏一粲不曾容易發
清香何自遍人間

題唐德明建一齋

城南前江後山趾竹齋正對寒江啟不嫌漁火亂書燈
只苦櫓聲驚睡美平生刺頭鑽故紙晚知此道無多子
從渠散漫汗牛書笑倚江楓弄江水

夜離零陵以避同僚追送之勞留二絕簡諸

友

已坐詩臞病更羸諸公剛欲餞湘酒夜浮一葉逃盟去
已被沙鷗早得知

思歸日日只空言一棹今真水月間半夜猶聞郡樓鼓
明朝應失永州山

泊冷水浦

前夕放船湘口步約到衡州來日午五程一減作三程
謝渠江漲半篙清今日雨來三四五又閉疎篷聽暮雨

欽定四庫全書

詞齋集
卷一

十

長年商量泊船所雨外青山更青處

憩連嶺店

此館初明眼前山正接眉熱嫌連日甚涼惜兩朝遲雨
竹何其重風鷗不自持庭闌猶百里早已豁愁思

早行見螢

淺草時雙起深叢忽獨明情知曉月淡意欲照人行扇
撲高無奈風斜半欲橫書帷吾已嬾不擬著囊盛

和人七夕

愛月斜仍細占星久未過浪傳商用事正苦汗成河蛛

喜今宵綴蠅憎昨日多吾文那乞巧詩或擬陰何杜詩七月

六日苦炎蒸况乃秋後轉多蠅

送抹利花與慶長

江梅去去木犀晚萱草石榴刺人眼抹利獨立幽更佳

龍涎避香雪避花朝來無熱夜涼甚急遣山童問花信

一枝帶雨折來歸走送詩人覓好詩

新居翦茅

欽定四庫全書

誠齋集

卷一

小築新開一畝基晚風散策已相宜山童何急催歸去

正是涼生月上時

讀罪已詔時有符離之潰三首

莫讀輪臺詔令人淚點垂天乎容此類帝者渴非羆何

罪良家子知他大將誰願懲危度口儻復雁門踦危度口見

光武紀二年注

亂起吾降音日吾將強仕年中原仍夢裏南紀且愁邊

陛下非常主羣公莫自賢金臺尚未築乃至羨強燕

只道六朝窄渠猶數百春國家祖宗澤天地發生仁厯服端傳遠君王但側身楚人要能懼周命正維新

欽定四庫全書

誠齋集

卷一

誠齋集卷一

欽定四庫全書

誠齋集卷二

宋 楊萬里 撰

詩

江湖集

題代度寺

一別重來十五年殘僧半在寺依然黃楊當日絕低小
已過危簷也可憐

欽定四庫全書

誠齋集
卷二

又題寺後竹亭

行盡空房凭盡欄竹光和月入亭寒壁間題字知誰句
醉把殘燈仔細看

中秋前兩日別劉彥純彭仲莊於白馬山下
匆匆離合夢非夢續續詆諧眠不眠莫道對牀容易老
試思分手幾何年長亭更放金荷淺後夜誰同璧月圓
要得長隨二三友不知由我定由天

早發建安寺過大櫟虛

睡美那能動朝涼強作行吾方犯星起人已趁虛聲近
路還如許長途作麼生兩親今正老三釜又須營

中秋前一夕翫月

月擬來宵好吾先今夕遭纔升半壁許已復一輪高還
坐明相就羣飛影得逃望秋惟有此徹夜敢辭勞

赴調宿白沙渡族叔文運攜酒追送走筆取

別

扁舟斜纜白沙虛欲行未發小踟躕吾家子雲來得得

欽定四庫全書

誠齋集
卷二

為攜碧酒買白魚誼風多年冷似鐵非公其誰主風月
尊前醉倒定不嗔同來多半箇中人

李高仲
覺同至

醉後題壁

夜寒星斗挂屋椽我輩把酒不問天語聲未怕驚天上
只愁驚起白鷗眠

夜雨泊新淦

亂眼纔迷樹回頭已濕沙蕭蕭打篷急點點入船斜此
夕初為客何時却到家餘樽曾臥否喚取作生涯